



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Matthaei Tympii Aureum Specvlvm Principvm,
Consiliariorvm Ivdicvm, Consvlvm, Senatorvm, Et Aliorvm
Magistratvum Cvm Ecclesiasticorum tum Politicorum
omnium**

Tympe, Matthäus

Coloniae Agrippinae, 1617

72 Sanctorum reliquias colere.

[urn:nbn:de:hbz:466:1-52641](https://nbn-resolving.org/urn:nbn:de:hbz:466:1-52641)

posse esse validas. 1. quia renuntiatio super legitima, iure Naturæ debita, non valet. *lason in l. fin. ff. de Verb. oblig. text. ni l. 2.* quia renuntians, ante omnia scire debet quæ, quantæque sint facultates, quibus renuntiat. *Sculp. Consil. 96. Cent. 1. n. 7.* At renuntians coram Senatu viuis parentibus, non sicut adhuc, quæ quantæque sint relinquendæ à morte parentû facultates. 3. quia hæc renuntiatio est coacta & extorta ab inuitis filijs; at renuntiationes coactæ, etiam iuratæ, nec de iure Ciuili, nec Canonico obligant. *l. pactum, quod detuli. C. de Collat. & in l. fin. C. de legit.* Hæc ille.

Cur Clericis aliquando denegata sit successio paternorum bonorum legibus Imp. vide apud Baron. Tom. 3. Anno Christi 320. S. Ambrosius autem, scribens aduersus Symmachum ad Valentinianum Imp. deplorat miseriam Clericorum, quod ipsis denegata esset successio paternorum bonorum. Quomodo, ait, hæc gentiles, si haberent, ingrauerent querelam? Quod Sacerdos ferias ministerij sui et totius patrimonij sui dano, & priuatus vniuersæ commoditatis dispeditio, vsu publici mercator obsequij? præterdens communis salutis exortibus domesticæ inopiæ se mercede solatur: quia ministerium non vendidit, sed gratiam comparauit.

SIGNVM LXXII.

SANCTORVM RELIQUIAS
colere.

Moyses Princeps Israël, discessurus cū populo ex Aegypto in Palestinam, noluit ibi relinquere ossa S. Iosephi, iam dudum mortui; sed

M m m 3

ea ho-

ea honorificè secum asportauit, & transtulit in terram Promissionis. *Exod. 13.*

2. *Iosias Rex Iuda* cum (4. *Reg. 23.*) delubra Idolorum euerteret, & omnem idololatriam delere vellet, cum aliorum mortuorum ossa effodisset, & in cineres rede-gisset, ossa Sancti Prophetæ, ibidem reperta, iussit asseruari. Præmia venerantium Reliquias Sanctorum, *vide in Triumpho Virtut.*

3. *S. Chrysostomus in 2. ad Corinth. Hom. 26. ait* Christus Discipulis quoque suis, ut post mortem clari ac celebres essent, concessit. Vbi nunc, quæso, Alexandri (Seueri, quem Senatus Rom. Deum esse censuit,) tumultus est? fac mihi cum obitibus, diemque, quo vitam cum morte commuta-

Quàm præstent Christi serui Imperatoribus.

uit. At Christi Seruorum tam splendida sepulchra sunt, ut quæ Urbem omnium præstantissimam, maximeque Regiam occuparint, & dies noti atque perspecti, ut qui Festi à toto Orbe agitentur. At illius tumulum familiares quoque ignorant: huius autem (Christi) Barbari quoque ipsi exploratum habent: ac sepulchra eorum, qui Crucifixo seruierunt, Regias auias splendore vincunt, non tam magnitudinis aut pulchritudinis ædificiorum ratione: (nam hæc etiam ex parte superant:) quàm, quod multo maius est, coeuntium studio & alacritate. Nam & ille, qui purpuram gestat, ad sepulchra illa se confert, ut ea exosculetur; abiectoque fastu, supplex stat, Sanctosque obsecrat, ut ipsi apud Deum sibi præsidio sint: atque ut tentoriorum oppificem, & piscatorem, & quidem vitæ sanctos Patronos habeat, precibus is contendit, qui diademate victus est. Ergone, dic quæso, ho-

rum Dominum (Christum) mortuum dicere audebis, cuius serui, etiam defuncti, eorum, qui vniuerso Orbi imperant, Patroni & defensores sunt: Hæc ille.

4. *Luitprandus Longobardorum Rex*, cum Saraceni Sardiniam populati essent, quod ossa D. Augustini delata erant ante 250. annos ex Hippone, Legatos illuc misit, qui auro eadem redimerent, & Genuam vsque deferrent: vnde summa cum veneratione Papiam secum detulit, & in Basilicâ Petri, quam ipse construxerat, locauit. Ipse honoris causa pedibus à Genua Ticinum vsq; prosequutus est, &c. *Blondus lib. 10. dec. 1. & Cuspin. Fulgos. lib. 1. cap. 4.*

5. *Carolomannum*, qui, relicto Regno Franciæ, in Cassinensi Cœnobio Monachum egit, ferunt ex monte Cassino cum alijs Monachis ad *Zachariã* I. Pontificem venisse, ab eoque precibus obtinuisse, vt eis liceret repetere *S. Benedicti* corpus furtim ablatum: quod tum in Floriacensi Monasterio Regni Franciæ collocatum fuerat. Annuit istorum precibus Pontifex, & litteris *Pipinum* adhortatur, vt patiatur Monachos *S. Benedicti* corpus repetere. Quod quidem Rex haud grauatè concessit: quia inde furto ablatum à quibusdam Monachis fenserat. *Platina.*

6. *Dagobertus Gallia Rex* Templum *S. Dionysij* Martyris solido argento texit, ac Corpora Sanctorum ibi collocauit, pheretro aureo, multisq; muneribus, eò quod illic olim, tanquam in asylo, lacuisset contra iram patris. Nam cum eum satellites inde extrahere vellent, ante Sacellum fixis pedibus stupentes intrare non potuerunt. *Regino in Chronico. Naucler. volum. 2.*

M m m 4

7. Cassi-

7. *Casimirus Polonorum Dux* cum sibi per Egidium Mutinensem Episcopum à Lucio III. Rom. Pontif. offerrentur S. Floriani Reliquiæ, ad septē ferē milliaria à Cracouia cum ingenti omnis generis hominum multitudine obuiam processit. *Cromerus lib. 6.*

8. *Heracium Imp.* deuictis Persis, Lignum Dominiæ Crucis, quod Cosroës Rex Persarum, captis Hierosolymis, ante 14. annos abstulerat (ex Caluariaz loco, ubi ab Helena fuerat cõstitutum) suis detulit humeris in montem Caluariaz, & admonitus à Zacharia Antistite, vt, abiecto regio cultu, in ferenda Cruce Christum imitaretur: mutata veste triumphali, auro gemmisque intexta, nudis calcibus humiliter Crucem tulit, in eumque locum reposuit, vnde fuerat à Persis sublata. *Cassin. Consule Bellarm. in Controuersia de Reliquiis Sanctorum lib. 2. cap. 3. & de Imaginibus Sanctorum lib. 2. cap. 27.*

SIGNVM LXXIII.

SACERDOTES DEI HONORARE, ET
causis Clericorum se non immiscere.

SI Ethnici, si Philosophi, imò si Barbari magni suos Sacerdotes supersticiosos æstimarunt, mirum non est Magistratus Christianos, veros Dei Ministros magni æstimare, ac reuereri. *Vide de pietate.* Si illi (vt Arist. docet 6. Polit. cap. 8.) communi ciuitatis lare & foco suos Sacerdotes honorificè aluerūt, cur nos decimas, & sancta Altaris munera ipsis denegaremus? 1. Cor. 9. Matth. 23. O Ierusalem, &c. *Vide Confessionem Hosti cap. 24. S. Ambrosius ad Imp. Theodosium: Si de causis* pecu-